



ТЕНДЕРТ ОРОЛЦОХЫГ
СОНИРХОГЧ ЭТГЭЭДЭД

МОНГОЛ УЛСЫН ЗАСГИЙН ГАЗРЫН ХЭРЭГЖҮҮЛЭГЧ АГЕНТЛАГ
**ТӨРИЙН ХУДАЛДАН АВАХ
АЖИЛЛАГААНЫ ГАЗАР**

Б корпус, Засгийн газрын IX байр,
Энхтайваны өргөн чөлөө 16, Баянзүрх дүүрэг,
Улаанбаатар хот, 13381
Утас/Факс: (976-51) 26 00 62
Цахим шуудан: info@spa.gov.mn
Цахим хуудас: www.spa.gov.mn

2024. 02. 08 № A-1/584
танай -ны № -т

Г Тендерийн баримт бичигт
өөрчлөлт оруулах тухай

Нийгмийн даатгалын ерөнхий газрын 2024 оны 01/108 дугаартай албан бичгийн дагуу тус төсөл, арга хэмжээний тендер шалгаруулалтын баримт бичигт дараах өөрчлөлтийг оруулж байна. Үүнд:

- ТШЗ 16.1.2. “Тендер шалгаруулалт зарласнаас хойш хугацаанд цахим системээс авсан нийгмийн даатгалын шимтгэлийн болон татварын өр төлбөргүй тодорхойлолтыг цахим системийн холбогдох талбараар зааварчилгааны дагуу тус тус ирүүлнэ. Энэхүү тодорхойлолтыг ирүүлээгүй тохиолдолд тендер нээсэн өдрийн байдлаар татвар, нийгмийн даатгалын шимтгэлийн хугацаа хэтэрсэн өр төлбөрийн талаарх мэдээллийг шалгана.” гэснийг “Тендер шалгаруулалт зарласнаас хойш хугацаанд цахим системээс авсан татварын өр төлбөргүй тодорхойлолтыг цахим системийн холбогдох талбараар зааварчилгааны дагуу ирүүлнэ. Энэхүү тодорхойлолтыг ирүүлээгүй тохиолдолд тендер нээсэн өдрийн байдлаар татварын хугацаа хэтэрсэн өр төлбөрийн талаарх мэдээллийг шалгана. Нийгмийн даатгалын шимтгэлийн хугацаа хэтэрсэн өртэй эсэх тодорхойлолтыг маягт НД-7-ын дагуу харьяа Нийгмийн даатгалын байгууллагаас авч өөрийн тендерт хавсарган ирүүлнэ.” гэж;
- ТШЗ 19.2. “Тендерт оролцогчийн үндсэн ажилтны нийгмийн даатгалын шимтгэл төлөлтийн мэдээллийг цахим системээр дамжуулан шалгана.” гэснийг “Тендерт оролцогчийн үндсэн ажилтнуудын нийгмийн даатгалын шимтгэл төлөлтийн талаарх тодорхойлолтыг маягт НД-8-ын дагуу харьяа Нийгмийн даатгалын байгууллагаас авч өөрийн тендерт хавсарган ирүүлнэ.” гэж тус тус өөрчлөв.

Хавсралт: 1 хуудастай.

ДАРГА

Ц.БАТЗУЛ



1324021366



МОНГОЛ УЛСЫН ЗАСГИЙН ГАЗРЫН ХЭРЭГЖҮҮЛЭГЧ АГЕНТЛ

**НИЙГМИЙН ДААТГАЛЫН
ЕРӨНХИЙ ГАЗАР**

ХУДАЛДАН АВАХ АЖИЛЛАГААНЫ ГАЗАРТ,
АВТО ТЭЭВРИЙН ҮНДЭСНИЙ ТӨВД,
ЗАМ, ТЭЭВРИЙН ХӨГЖЛИЙН ЯМАНД,
ЭРЧИМ ХҮЧНИЙ ЯМАНД, БАРИЛГА,
ХОТ БАЙГУУЛАЛТЫН ЯМАНД

15160 Улаанбаатар хот, Чингэлтэй дүүрэг
Бага тойруу 13/1, Утас: 32 80 30, Факс: (976-11) 32 07 16,
E-mail: undeg@ndaatgal.mn, http://www.ndaatgal.mn

2024.01.12 № 01/108
танай _____ -ны № _____ -т

Г Хамтран ажиллах тухай

Нийгмийн даатгалын салбарын хэмжээнд ашиглагдаж буй мэдээллийн системийг цогцоор нь шинэчлэн нэвтрүүлж байгаа бөгөөд үүнтэй уялдан өмнөх системээр үүссэн өгөгдөл мэдээллийг хөрвүүлэх ажил үе шаттай хийгдэж байна.

Тус ажил 2024 оны 03 дугаар сарын 01-ний өдөр хүртэл үргэлжлэх төлөвлөгөөтэй байгаа тул дурдсан хугацаанд ажил олгогч болон даатгуулагчийн шимтгэл төлөлтийн мэдээллийг цахимаар солилцох ажилд доголдол үүсэхээр байна.

Иймд өөрийн эрхлэх ажлын хүрээнд өмнө нь цахимаар солилцож байсан ажил олгогч болон даатгуулагчийн шимтгэл төлөлтийн холбогдох мэдээллийг харьяа Нийгмийн даатгалын газруудаас авч ашиглан хамтран ажиллана уу.

Нийгмийн даатгалын мэдээллийн нэгдсэн сангийн мэдээллийг шинэ программ хангамжид хөрвүүлэх ажил бүрэн хийгдэж, шинэчилсэн системийн хэвийн ажиллагаа хангагдсанаар цахим мэдээлэл солилцох боломж бүрэн хангагдана.

ДАРГА

